

Ballot Measure No. 1 - 17FSH2

Alerquutngurcugngalria murilkelluki qaunqumallerkaitnek neqet kuimarviit, qurrsarturviit pitarkat-llu nunaketukait

Uum alerquutngurcugngalriim kitukaniryarai *Alaska*-m alerquutai kalikartaryulrianun atu'urkanek neqet kuimarviitni, qurrsarturviitni, pitarkat-llu nunaketukaitni. Uum alerquutngurcugngalriim picirkirciqai Yaquleyagiurtet nutaranek cuq'liutnek kalikarcirarkaurcelluki cimirarkaukatki nutem nunam ayuqucia wall'u navguutnguarkaukata neqet, pitarkat-llu nunaketukaitnun. Mat'um alerquutngurcugngalriim cimiringaitai ak'a ayagluteng caliat makuni kalikarciumallret. Uum alerquutngurcuumalriim cuq'livkaryugngai atuyunarqellrianek qaunqiyamek neqet pitarkat-llu nunaketukaitnek. Tamakut atuyunarqellriit tapqeciqaat mer'em menuiqurallerkaa, puqlii, carvanirturalra, cali-llu allat neqnun pitarkanun-llu nunaksunarqellerkaat. Uum alerquutngurcugngalriim taikaniumaa una "asgutulit neqet elkaringaviat". Uum alerquutngurcuumalriim, pinilirciqai Yaquleyaagiurtet, *Alaska*-q iluarluku alerquutetgun aulukesqelluki neqet elkarviit avatait-llu ikayuutnguarkauluku neqnun. Alerquutngurtellikan pingayuciqut kalikartarkait nauciyulriit asgutulit neqet elkarviitni. Yaquleyaagiurtet ataucimek kalikarciryuumaut yuut aturyuumakiitnek, apertunqegcaaraumalriamek cimirarkaukatgu nutem nunam ayuqucia. Allat taugaam nallunairumanrilnguut wall'u apertuumanrilnguut nunam atullerkaanun kalikarcirnarqellriit, uum alerquutngurcugngalriim kalikarciryarai naliagnegun ukuk malruk. Arcaqanrilnguut kalikartat atuuyartut navguutngussiyaagngailkan neqet asgutulit elkarviitnun. Aipaakun arcaqalriit kalikartat atuuyartut navguutngussiyaagarkaukan. Uum taikaniraa una, "arcaqatmun navguutnguarkat". Uum alerquutngurcugngalriim Yaquleyaagiurtet kalikarcirkata, piniliryarai neguuraasqelluki wall'u ikeglicaasqelluki arcaqatmun navguutnguarkat. Yaquleyaagiurtet yuut nallunritevkararkaугait kalikarciumayulrianek. Arcaqalriarukan-llu yuut qanerkangqerqata pillerkiurumaarkauluteng. Una alerquutngureskan kalikartarkanek imiryaraq piciryararkurciqaa, ciumurutellerkaa ernerkiurluku, ciuniurumanritellret-llu yuvrinqigtellerkaitnek urenkilriatgun. Alerquutngureskan Yaquleyaagiurtet pinarqut'liyugngariciqut navgurilrianek kalikarciutmeggnek, akilitarkiuryugngaluki (*fine*-aryugngaluki), wall'u arcaqalriamek navgurillrukata anucimirqecetaarutkiurluki. Uum piunrirciqak malruk maa-i alerquutngulriik: ciuqlia arcaqassiyallranek ilangarciyaraq kuigni capucetangqellriani, tunglia-wa arcaqalrianek navgurilriit anucimirqecetaarutait allani alerquutni igaucimalriit.

Una-qaa alerquutngurli?